

**- SENAT -**

Broj: 01-11-7/24

Sarajevo, 26. 06. 2024. godine

Na osnovu člana 61. Zakona o visokom obrazovanju („Službene novine Kantona Sarajevo“, broj: 36/22) i člana 64. Statuta Univerziteta u Sarajevu, a u vezi sa članom 42. Poslovnika o radu Senata Univerziteta u Sarajevu i Zaključkom Senata Univerziteta u Sarajevu broj: 01-10-4/24 od 03. 06. 2024. godine, Senat Univerziteta u Sarajevu je na 70. redovnoj sjednici održanoj 26. 06. 2024. godine, *donio*

ODLUKU**o izmjeni i dopuni Poslovnika o radu Senata Univerziteta u Sarajevu****I**

Usvaja se izmjena i dopuna Poslovnika o radu Senata Univerziteta u Sarajevu, broj: 01-21-22-1-1/23 od 20. 12. 2023. godine, koja čini sastavni dio ove odluke.

II

Ova odluka stupa na snagu danom donošenja.

Obrazloženje

Na 38. vanrednoj sjednici Senata održanoj 03. 06. 2024. godine, u skladu sa prijedlogom dekana Univerziteta u Sarajevu – Stomatološkog fakulteta sa stomatološkim kliničkim centrom, donesen je Zaključak broj: 01-10-4/24 od 03. 06. 2024. godine, kojim se pokreće Inicijativa za izmjenu i dopunu člana 7. stav (4) i člana 8. stav (3) Poslovnika o radu Senata Univerziteta u Sarajevu, broj: 01-21-22-1-1/23 od 20. 12. 2023. godine (u daljem tekstu: Poslovnik).

Imajući u vidu da je odredbom člana 7. stav (4) Poslovnika, propisano da „U slučaju spriječenosti da prisustvuje zakazanoj sjednici, po pisanom ovlaštenju senatora, članicu može predstavljati član akademskog/naučnoistraživačkog osoblja u zvanju redovnog ili vanrednog profesora/naučnog savjetnika ili višeg naučnog saradnika, a studenata predstavnik iz reda studenata. Ovo pravo se može koristiti najviše tri (3) puta tokom jedne akademske godine.“, konstatovano je da se predstavljanje članice Univerziteta u Sarajevu u radu Senata Univerziteta u Sarajevu uz pisano ovlaštenje senatora ne može smatrati neopravdanim neprisustvovanjem sjednici Senata od strane senatora, niti ograničiti na najviše tri (3) puta tokom jedne akademske godine, budući da se radi o opravdanim odsustvima senatora koji u skladu Zakonom i Statutom Univerziteta u Sarajevu pisanim putem prenose na drugo lice ovlasti za predstavljanje članice u radu Senatu Univerziteta u Sarajevu. Navedenom izmjenom dolazi do brisanja dijela stava (4) u članu 7. Poslovnika kojim

se utvrđuje da se pravo prisustva sjednici Senata sa pisanim ovlaštenjem može koristiti najviše tri (3) puta tokom jedne akademske godine.

S druge strane, odredbom člana 8. stav (3) Poslovnika propisano je da „Pod nesavjesnim obavljanjem dužnosti senatora podrazumijeva se i tri puta uzastopno neopravdano neprisustvovanje sjednici senata odnosno nepostupanje u skladu sa članom 7. stavovima (5) i (6) ovog Poslovnika.“, te je s tim u vezi konstatovano da se ovim članom propisuje prestanak mandata i razrješenje dužnosti senatora koji se može bliže regulirati Statutom Univerziteta u Sarajevu i drugim općim aktima Univerziteta u Sarajevu i da se pod nesavjesnim obavljanjem dužnosti senatora može podrazumijevati i tri puta uzastopno neopravdano neprisustvovanje sjednici senata odnosno u slučaju spriječenosti senatora, tri puta uzastopno neprisustvovanje sjednici od strane ovlaštenog lica. Dakle, navedeno podrazumijeva da članicu Univerziteta u Sarajevu u radu Senata Univerziteta u Sarajevu ne predstavlja senator, niti lice sa ovlaštenjem. Navedenom izmjenom i dopunom dolazi do izmjene dijela stava (3) u članu 8. Poslovnika na način da se umjesto pozivanja na dosadašnji stav (5) i (6) člana 7. Poslovnika ova odredba poziva na stav (4) u članu 7. Poslovnika.

U skladu sa naprijed navedenim, primjena predmetne izmjene i dopune Poslovnika ima povratno djelovanje, budući da se ista odnosi na zatečene odnose, prava i obaveze senatora i da je kao takva u skladu sa Zakonom i Statutom Univerziteta u Sarajevu opravdana u pogledu definiranja odsustva senatora i predstavljanja ovlaštenog lica u radu Senata.

Cijeneći naznačno, odlučeno je kao u dispozitivu.

REKTOR

Prof. dr. Rifat Škrljević



Dostaviti:

- Senatu Univerziteta u Sarajevu
- Internet stranica Univerziteta u Sarajevu
- Arhivi



- SENAT -

Broj: 01-11-7-1/24

Sarajevo, 26. 06. 2024. godine

Na osnovu člana 61. Zakona o visokom obrazovanju („Službene novine Kantona Sarajevo“, broj: 36/22) i člana 64. Statuta Univerziteta u Sarajevu, a u vezi sa članom 42. Poslovnika o radu Senata Univerziteta u Sarajevu i Zaključkom Senata Univerziteta u Sarajevu broj: 01-10-4/24 od 03. 06. 2024. godine, Senat Univerziteta u Sarajevu je na 70. redovnoj sjednici održanoj 26. 06. 2024. godine, *d o n i o*

**POSLOVNIK
O IZMJENI I DOPUNI POSLOVNIKA O RADU SENATA
UNIVERZITETA U SARAJEVU**

I

U članu 7. stav (4) Poslovnika o radu Senata Univerziteta u Sarajevu, broj: 01-21-22-1-1/23 od 20. 12. 2023. godine, koji glasi:

„(4) U slučaju spriječenosti da prisustvuje zakazanoj sjednici, po pisanom ovlaštenju senatora, članicu može predstavljati član akademskog/naučnositraživačkog osoblja u zvanju redovnog ili vanrednog profesora / naučnog savjetnika ili višeg naučnog saradnika, a studenata predstavnik iz reda studenata. Ovo pravo se može koristiti najviše tri (3) puta tokom jedne akademske godine.“

mijenja se i glasi:

„(4) U slučaju spriječenosti da prisustvuje zakazanoj sjednici, po pisanom ovlaštenju senatora, članicu može predstavljati član akademskog/naučnositraživačkog osoblja u zvanju redovnog ili vanrednog profesora/naučnog savjetnika ili višeg naučnog saradnika, a studenata predstavnik iz reda studenata.“

II

U članu 8. stav (3) Poslovnika o radu Senata Univerziteta u Sarajevu, broj: 01-21-22-1-1/23 od 20. 12. 2023. godine, koji glasi:

„(3) Pod nesavjesnim obavljanjem dužnosti senatora podrazumijeva se i tri puta uzastopno neopravdano neprisustvovanje sjednici senata odnosno nepostupanje u skladu sa članom 7. stavovima (5) i (6) ovog Poslovnika.“

mijenja se i glasi:

„(3) Pod nesavjesnim obavljanjem dužnosti senatora podrazumijeva se i tri puta uzastopno neopravdano neprisustvovanje sjednici senata, odnosno nepostupanje u skladu sa članom 7. stavom (4) ovog Poslovnika.“

III

Poslovnik o izmjeni i dopuni Poslovnika o radu Senata Univerziteta u Sarajevu proizvodi pravni učinak od dana od kojeg proizvodi pravni učinak Poslovnik o radu Senata Univerziteta u Sarajevu broj: 01-21-22-1-1/23 od 20. 12. 2023. godine i isti će se objaviti na internet stranici Univerziteta u Sarajevu.

REKTOR

Prof. dr. Rifat Škrijelj

Dostaviti:

- Senatu Univerziteta u Sarajevu
- Internet stranica Univerziteta u Sarajevu
- Arhivi